


JAMUAN HARI RAYA PPKAS

Norazian Mohamed Noor (Pensyarah)



Seperti lazimnya, PPKAS akan menganjurkan sambutan hari raya aidilfitri setiap kali bulan Syawal menjelma. Istimewanya kali ini, semua juadah yang dijamu adalah hasil tangan semua staf PPKAS daripada pengurusan kepada staf akademik dan sokongan. Semuanya bersama-sama berganding bahu bagi menjayakan majlis ini.

Seawal 9.00 pagi pada tanggal 14 Oktober, staf-staf PPKAS telah mula berkumpul untuk memulakan aktiviti memasak beramai-ramai. Antara menu-menu masakan adalah lemang, rendang tok, nasi impit dan kuah lodeh.

Jamuan Hari Raya PPKAS pada malamnya telah diadakan pada jam 8.00. Antara tetamu-tetamu kehormat yang turut hadir pada malam itu adalah Prof. Madya Ruzaidi, Prof. Madya Dr. Mohamed Zulkali, Prof. Dr. Shamsul Baharin dan Dekan PPKAS, Dr. Khairul Nizar Ismail.

Hadirin yang hadir menjamu selera sambil disajikan dengan persembahan multimedia acara gotong royong memasak pada siang harinya. Pemberian duit raya kepada anak-anak staf yang hadir turut disempurnakan oleh Dr. Khairul Nizar, Prof. Madya Ruzaidi dan Prof. Dr. Shamsul Baharin. Majlis diakhiri dengan sesi bergambar bersama tetamu dan staf-staf PPKAS.

